

da vor sinen garten nieman
beschliessen mag. dz sint die
vogel. **S**i den sint bezuchent
die hailgen engel. vor disen
vogeln hat vnser vrowe ir
hertz mit beschlossen. won si
tet ir hertz vf engegen der
grossen botschaft die ir der
engel **G**abriel brahte. dz si
möt solte sin des grossen **G**ot
tes. **S**alg mēliche engegen
disen vogeln solt du din hē
ze allen ziten vf tōn. wan es
ist dir ain grössv ere. vnd ain
wēdekar der engel. d' ze allen
ziten **G**ottes antlv̄t schowēd
ist. dz dir d' zō ain hvt̄ ist ge
ben vñ zō ain phleg. wan er
ist dir nahe bi. vñ leitet dich
alweg **G**ödl̄ich mīne. vñ tv
gentlich leben. vnd rāinkait
liles vñ hēzen. vñ swenne du
vnrecht wilt tōn dz widr̄atet
er dir. **A**lso l̄set man vō ai
nem gōten man. von ainem
gōten man in der alt vātter
būch. d' w̄z in ainem walde.
vñ gieng ains tages mit an
dren sinen br̄dern ze kulchen.

vñ kam och ain ander gōt
man dar. vñ nam d' br̄der
war. vñ tet im **G**ot die gna
de. dz er sach in sin hertz. dz
er mit ain sūnde von **G**ot
geschaiden w̄z. vnd sach dz
sin phleg. sin engel von im
geschaiden verre w̄z. vñ dz
in der tōfel zō im gebvnde
hatte. mit sinen bande. vñ
niht tet won als er wolte.
vñ do er ze kulchen kam. do
hort er ain gōt wort lesen
in d' letzgen. vñ da von ge
wan er gōten willen. vnd
lekerte sich. vñ schiet der tō
fel von im zehāt. vñ kam
sin engel wider zō im. vnd
vmbvieng in v̄dlich. vnd
sin sele. vnd tr̄vkte in zō im.
Also solt du wissen dz din
engel sich fr̄wet dines tv
gentlichen lebens. vñ dines
herzen rāinnekait. **D**as
dutte da vor sinen garten
nieman beschliessen mag
dz ist dz tow. **D**z tow bezai
chent vnser̄s herren gna
de. **R**echt ze gl̄ich wis als